

այլն, Հայկական ՍՍՌ ԳԱ հրատարակում է
«Հայկական հեթաթեւեր»-ի 10-ից ավելի հա-
տորներ, որտեղ ընդգրկվում են Ս. Հալալյանի
հավաքած նյութերը:

Երվանդ Հալալյանի մասին հետաքրքիր հու-
շեր պատմեցին գիտության վաստակավոր գոր-
ծիչ, պրոֆ. Կ. Մելիք-Օհանջանյանը և Հայկա-
կան ՍՍՌ ԳԱ թղթակից-անդամ Մ. Հասրաթ-
յանը:

ՀՈՐԵԼՅԱՆԱԿԱՆ ԵՐԵՒՈՆԵՐ

1964 թ. դեկտեմբերի 4-ին Սովետական
Հայաստանի գիտական հասարակայնությունը
նշեց խոշոր գիտնական, ականավոր քիմիկոս,
ՀՍՍՌ ԳԱ ակադեմիկոս, գիտության վաստա-
կավոր գործիչ, քիմիական գիտությունների
դոկտոր-պրոֆեսոր Արմենակ Լևոնի Մնջոյանի
ծննդյան 60-ամյա և գիտա-մանկավարժական
գործունեության 35-ամյա հորելյանը:

Ակադեմիկոս Մնջոյանի կյանքի և գործու-
նեության մասին զեկուցումով հանդես եկավ
քիմիական գիտությունների թեկնածու Հ. Ա.
Հարոյանը:

Հարուստ և ուսանելի կյանքի ուղի է ան-
ցել հորելյարը: Նա ծնվել է 1904 թ. Ղարսի
նահանգի Սարիղամիշ գյուղաքաղաքում՝ ար-
հեստավորի ընտանիքում: Առաջին համաշ-
խարհային պատերազմը ստիպել է Մնջոյան-
ների ողջ ընտանիքին թողնել հայրենիքը և
տեղափոխվել Ալեքսանդրապոլ (այժմյան Լե-
նինական), որտեղ պատանի Մնջոյանը աշ-
խատանքի է անցել դեղատանը՝ որպես աշա-
կերտ:

1933 թ. ավարտելով Երևանի պետական
համալսարանի բժշկական ֆակուլտետը, իսկ
1930 թ. Մոսկվայի քիմիո-ֆարմացեթիկ ինս-
տիտուտը, Ա. Լ. Մնջոյանը իր ողջ գիտական
գործունեությունը ծավալել է այդ երկու ուղ-
ղությունների շփման հատվածում՝ դեղագոր-
ծական քիմիայի ասպարեզում:

Ա. Լ. Մնջոյանի նախնական գիտական աշ-
խատանքները նվիրված են Հայաստանի բու-
սական ու հանքային հումքի և նրանցից ան-
ջատվող դեղամիջոցների ուսումնասիրմանը:
Հետազայում նա անցնում է ավելի լայն և ծա-
վալուն հետազոտությունների, որոնց հիմնա-
կան նպատակն էր ուսումնասիրել օրգանա-
կան միացությունների քիմիական կառուցված-
քի և նրանց բիոլոգիական ազդեցության միեւ-
նոգ կապը:

1937 թ. Ա. Լ. Մնջոյանը պաշտպանում է
թեկնածուական դիսերտացիա «Հայաստանի
այրվող թերթաքարերը և նրանց կիրառությու-
նը բժշկության մեջ» թեմայով, իսկ 1944 թ.
դոկտորական դիսերտացիա՝ «Նյութեր տեղա-
կան անզգայնացնող միջոցների սինթեզի վե-

րաբերյալ» վերնագրով: 1950 թ. նա բնտր-
վում է ՀՍՍՌ ԳԱ թղթակից-անդամ, իսկ
1953 թ.՝ ՀՍՍՌ ԳԱ իսկական անդամ:



Ակադեմիկոս Ա. Լ. Մնջոյանի ղեկավարած
ՀՍՍՌ ԳԱ նուրբ օրգանական քիմիայի ինս-
տիտուտում խոշոր աշխատանքներ են տար-
վում հայրենական նոր դեղամիջոցներ ստեղծ-
ելու ուղղությամբ: Ինստիտուտում նրա ղե-
կավարությամբ սինթեզված շատ պրեպարատ-
ներ արդեն կիրառվում են բժշկական պրակ-
տիկայում և լայն ճանաչում են գտել ոչ միայն
մեր երկրում, այլև նրա սահմաններից դուրս:

Արմենակ Մնջոյանի գրչին են պատկանում
մոտ 200 գիտական աշխատանքներ: Նրա նա-
խաձեռնությամբ և խմբագրությամբ լույս է
ընծայվում «Հետերոցիկլիկ միացությունների
սինթեզները» ժողովածուն, որի արդեն հրա-
տարակված պրակները արժանացել են սովե-
տական և արտասահմանյան գիտնականների
ուշադրությանը:

Նրկար տարիներ Ա. Լ. Մնջոյանը ղեկավա-
րել է Պետական համալսարանի և բժշկական
ինստիտուտի օրգանական քիմիայի ամբիոն-
ները: Գիտա-մանկավարժական գործունեության

հետ մեկտեղ Ա. Լ. Մեոյանը կատարում է հասարակական մեծ աշխատանք, լինելով «Գիտելիք» ընկերության ակտիվ անդամ և ՀՍՍՌ խաղաղության կոմիտեի անդամ:

Հորեկյարին մեծարելու էին եկել Հայաստանի դիտական և արդյունաբերական տարրեր հիմնարկների ու հասարակական կազմակերպությունների ներկայացուցիչները: Նրան ողջունեցին ՀՍՍՌ գիտությունների ակադեմիայի նախագահության, ակադեմիայի քիմիական գիտությունների բաժանմունքի, առողջապահության միջինատրությունների, ՀՍՍՌ միջինատրությունների սովետի գիտական աշխատանքների կոորդի-

նացման կոմիտեի, պետական համալսարանի, բժշկական ինստիտուտի, սինթետիկ կաուչուկի, պոլիվինիլացետատ գործարանի, մենդելևյան ընկերության, ՍՍՌԳ ԳԱ բնական միացությունների քիմիայի ինստիտուտի և շատ ուրիշ կազմակերպությունների ներկայացուցիչները:

Ընթերցվեցին հորեկյարի անունով Սովետական Միության և արտասահմանյան տարրեր երկրների գիտնականներից ստացված բազմաթիվ հեռագրերը:

Վերջում շնորհակալական ջերմ խոսքով հանդես եկավ հորեկյարը:

Լ. ԺՈՒՐՈՒԼԻ

Գեկտեմբերի 7-ին Արվեստի աշխատողների տանո կայացավ հանդիսավոր երեկո, նվիրված պարարվեստի խոշոր տեսաբան, ազգա-



գրագետ, բանագետ, պատմական գիտությունների դոկտոր, գիտության վաստակավոր գործիչ Սերգուի Ստեփանի Լիսիցյանի ծննդյան 70-ամյակին և գիտական-մանկավարժական գործունեության 50-ամյակին:

Հնագիտության և ազգագրության ինստիտուտի դիրեկտոր Բ. Առաքելյանի ներածական խոսքից հետո լսվեց ՀՍՍՌ ԳԱ ակադեմիկոս Ս. Սրեմյանի զեկուցումը հորեկյարի կյանքի և գործունեության մասին:

Ս. Ս. Լիսիցյանը ծնվել է 1893 թ. Թիֆլիսում, հայտնի մտավորականներ Լիսիցյանների

ընտանիքում: Սկզբնական կրթությունը ստացել է Թիֆլիսում, 1911 թ. մինչև 1917 թ. նա ուսանել է Մոսկվայում, Գերյեի անվան կանանց բարձրագույն դասընթացների պատմա-փիլիսոփայական ֆակուլտետում, Բ. Ս. Չերնեցկայայի պարի ստուդիայում և Օ. է. Օզերովսկայայի դրամայի և արտահայտիչ խոսքի ստուդիայում:

Կրթությունն ավարտելուց հետո, 1917 թ. Ս. Լիսիցյանը վերադառնում է Թիֆլիս: Այստեղ նույն թվականին նա հիմնադրում է արտասանության, ութմի և պլաստիկայի սեփական ստուդիա, ուր ծավալում է բեմադրական լայն գործունեություն, սկզբում բեմադրելով աբեկյան պարեր և ապա՝ հայկական աղջային պարեր: Ս. Լիսիցյանի ստուդիան 1920 թ. Վրաստանի լուսծողկոմատի կողմից վերականգնվում է ութմի և պլաստիկայի ինստիտուտի: Մինչև 1930 թ. Ս. Լիսիցյանը Թիֆլիսում ապրում է բուռն ստեղծագործական, մանկավարժական կյանքով: 1921—25 թթ. նա դասավանդում է Թիֆլիսի կոնսերվատորիայում, Թիֆլիսի ադրբեջանական թատրոնում բեմադրում է պարեր, կազմակերպում է պարային անսամբլ, որը հաջողությամբ ելույթներ է ունենում Անդրկովկասում, Մոսկվայում և արտասահմանում:

1930 թ. Ս. Լիսիցյանը հրավիրվում է Սրբվան, ուր ղեկավարում է խորեոգրաֆիկ դրպրոցը և միաժամանակ ավանդում տեսական և դրծնական աուարկաներ, գուգահեռաբար ղրաղվելով գիտական աշխատանքով՝ Հայկական ՍՍՌ լուսծողկոմատի նյութական կուլտուրայի ինստիտուտում:

Սրկար տարիներ զրաղվելով մանկավարժական-բեմադրական աշխատանքներով, Ս. Լիսիցյանը մշակում է պարի և ընդհանրապես

աարդու մարմնի շարժումները գրանցելու հատուկ սխեմա, որով գրանցում է հայ ժողովրդական պարեր Հայաստանի տարբեր շրջաններում և Երևանում, Ս. Լիսիցյանի սխեմա շուտով ճանաչում է գտնում մասնագետների շրջանում: 1940 թ. լույս է տեսնում նրա այդ աշխատանքը՝ «Запись движения (кинетогрфия)» վերնագրով, որը բարձր գնահատական է ստանում ինչպես մեր երկրում, այնպես էլ արտասահմանում: Այդ աշխատության համար նա 1947 թ. ստանում է արվեստագիտության թեկնածուի աստիճան և դոցենտի կոչում: 1938—1941 թթ. նա դասավանդում է Մոսկվայի Մեծ թատրոնում, գրում է հոդվածներ, պարի ձեռնարկ, զբաղվում է թարգմանչական աշխատանքով:

1942 թ. Ս. Լիսիցյանը դարձյալ վերադառնում է Երևան: 1942 թ. մինչև 1959 թ. նա աշխատում է Ռ. Մելիքյանի անվան գիտական կաթինետում, որը հետագայում վերակառուցվում է Հայկական ՍՍՌ ԳԱ արվեստի սեկտորի և ապա՝ Արվեստի ինստիտուտի: 1959 թ. Ս. Լիսիցյանը տեղափոխվում է Հնագիտության և ազգագրության ինստիտուտ, ուր և աշխատում է մինչև այժմ:

1945 թ. մինչև 1963 թ. Ս. Լիսիցյանը ղեկավարել է Երևանի գեղարվեստա-թատերական

ինստիտուտի բեմական շարժման և պարի ամբիոնը:

1958 թ. լույս է տեսնում Ս. Լիսիցյանի բազմամյա տրնաչան աշխատանքի արդյունքը հանդիսացող «Հայ ժողովրդական հինավուրց պարերն ու թատերական ներկայացումները» գրքի առաջին հատորը, որի համար նա 1959 թ. ստանում է պատմական գիտությունների դոկտորի աստիճան: Այժմ Ս. Լիսիցյանը տպագրության է պատրաստում այդ աշխատության հաջորդ հատորները:

Հորելյարին ողջունեցին Հնագիտության և ազգագրության ինստիտուտի կոլեկտիվի, Երևանի գեղարվեստա-թատերական ինստիտուտի, Հայկական պետական պատմական թանգարանի, Մատենադարանի, Երևանի պետական օպերայի, երաժշտական կոմեդիայի թատրոնի, Ս. Դ. Լիսիցյանի անվան դպրոցի, Լիսիցյան ստուդիայի նախկին սաների ներկայացուցիչները: Ընթերցվեցին հորելյարի անունով ստացված բաղամթիվ հեռագրերը՝ Միության տարբեր քաղաքներից: Հրապարակվեց նաև Ա. Ի. Միկոյանի շնորհավորական հեռագիրը:

Շնորհակալական խոսքով երեկոյի վերջում հանդես եկավ հորելյարը:

Ա. ՂԱԶԻՅԱՆ